

Viehem pocho di qua de Postonia, et con li capi di dieci fanti misi ordine dovesseno apresentarse al dito castello, parte con le scale e parte a la porta, a eazar fuogo et parte a rombar i muri. El qual ordine dato, restai con alcuni cavali et feci andar avanti diti fanti i qual si apresentono con strepito, *nullo servato ordine*, et se poseno a romper certi stechadi erano zercha ai muri. Et pensando io ch' ei fusseno asesi, me acostai a cavallo et combatuto per una bona hora *tandem* alquanti de nostri saltò sopra le difexe, i qual per non haver seguito fono rebatuti, et io volendo prosequir la impresa dismontai et asesi sopra una scalla, aziò li altri me seguisseno, et visto pur non esser seguito me ritornai a cavallo, el qual me fo ferito, solo i muri, da uno arcobuso et pasatoli la gamba davanti, e visto non poter adempir l'intento mio feci ritirar ditti fanti, di qual ne fo morti uno et cinque machuladi, et *similiter* di quelli dentro, et feci abruzar tutto el borgo e sachizarlo con li animali se ritrovono. E cognosuto non haver obtenuta tal minima vitoria per defecto di fanti non pratici *unde* avisa etc. Non restando *in dies* star vigilanti et usar ogni solertia a la conservation di quelli fidelissimi subditi, per esser l'animo suo grandissimo, et suplicha almeno sia mandà una paga a li stratioti.

29* *Di sier Alvise Guoro, podestà di Grisignana, di 24 marzo.* Come ha scritto poi l'aquisto di Piemonte, era cossa convenientissima che esso castello de Pedemonte fosse sottoposto a questo loco di Grisignana, loco più propinquo e dove è camera, e replieha la Signoria voi concieder per beneficio e utele de le cosse nostre e per satisfaction di quelli fidelissimi subditi per compenso e restauro di lhor danni receputi in queste guerre, ditto castello di Piemonte, con l'intrade a quella camera di Grisignana, aziò ne l'incantar de l'intrade di tutti do lochi si venisse a far una summa, over deputar alcun fidato che per nome di la Signoria havesse a scuoder ditte intrade.

30* *Collegio nell' anno 1510 a dì primo april.*

El serenissimo principe domino Leonardo Lauredano
Sier Piero Morexini
Sier Francesco Zustignan
Sier Hieronimo Tiepolo
Sier Andrea Corner
Sier Alvise di Prioli
Sier Francesco Bragadin

Consieri

Sier Fantin Moro, *quondam* sier Antonio
Sier Antonio Querini, *quondam* sier
Marco
Sier Piero Donado *quondam* sier Zuane
Sier Alvise da Molin
Sier Piero Duodo
Sier Zorzi Emo
Sier Antonio Grimani
Sier Thomà Mozenigo procurator
Sier Piero Capello

Cai di XL

Savij dil Consejo

Sier Marco Bolani
Sier Andrea Venier procurator
Sier Lunardo Mocenigo

Savij dil Consejo
di zonta

Sier Nicolò Trivixan
Sier Sabastian Zustignan el cavalier
Sier Alvixe Pixani dal Bancho
Sier Zuan Corner
Sier Nicolò Bernardo

Savij
di terra ferma

Sier Marin Sanudo
Sier Faustin Barbo
Sier Vido Antonio Trivixan
Sier Lorenzo Orio el dotor
Sier Piero Morexini

Savij ai ordeni

Sier Bernardo Bembo dotor et cavalier
Sier Alvise Gradenigo
Sier Marin Morexini

Avogadori
di Comun

Sier Jeronimo Contarini
Sier Marco Antonio Loredan
Sier Lucha Trum

Cai dil Consejo di X

Dil meze di april 1510.

31

A di primo april. Introno in Colegio numero 13 in locho di altri erano. I quali intrati fono questi: sier Andrea Corner, sier Alvixe di Prioli et sier Francesco Bragadin, consieri. Sier Fantin Moro *quondam* sier Antonio, sier Antonio Querini *quondam* sier Marco, sier Piero Donado *quondam* sier Zuane, cai di XL, sier Zuan Corner et sier Nicolò Bernardo, savij a terra ferma. Et io Marin Sanudo per età. Sier Faustin Barbo, sier Vido Antonio Trivixan, sier Lorenzo Orio dotor et sier Piero Morexini *quondam* sier Francesco, savij ai ordeni. Et fo il luni di Pasqua.

Et *accidit* che la sera avanti erano zonti li quatro oratori venuti di Roma, con la galia sotil, che li